

倪俊明◎主編

廣東省立中山圖書館藏  
稀見方志叢刊



國家圖書館出版社

廣東省立中山圖書館藏  
稀見方志叢刊

倪俊明◎主編

國家圖書館出版社

21

## 第二十一冊目錄

|                                              |     |
|----------------------------------------------|-----|
| 〔光緒〕仁化鄉土志（清）佚名纂清光緒三十四年（1908）稿本               | 一   |
| 〔光緒〕連山鄉土志（清）盧澤潤撰清光緒年間鈔本                      | 四五  |
| 〔民國〕連縣志七卷（卷一——卷四）韓建勳、伍岳嵩修何詩迪纂民國三十八年（1949）油印本 |     |
| 目錄                                           | 一四五 |
| 韓序                                           | 一四九 |
| 何序                                           | 一五四 |
| 伍序                                           | 一五五 |
| 何跋                                           | 一五九 |
| 凡例                                           | 一六一 |
| 修志委員會人員表                                     | 一六五 |
| 文獻委員會修志人員一覽表                                 | 一六九 |
| 卷一（大事記）                                      | 一七三 |

|                        |     |
|------------------------|-----|
| 卷二(自然志人文志上) .....      | 三〇七 |
| 卷三(人文志中政事財務經濟教育) ..... | 四二三 |
| 卷四(經濟教育) .....         | 五五九 |



化鄉土志

全稿



仁化鄉土志緒言

仁化一彈丸邑耳自蕭梁而嘉名肇錫自初唐而土宇益廣唐羅合之迹居  
無天授天擇為我種族默相奠定於此邦至有宋咸平三年於是仁化之名  
始得與通都大邑共登方輿之記繪疆里之圖抗衡湘而枕五嶺上游維吳楚而  
扼三省孔道屹然一形勢利便哉昔南粵趙佗屯兵以壯橫浦邑北境常為重鎮  
迄伏波平粵分兵八路由長沙下者首成破竹之勢蓋善守於斯善攻亦於斯其  
即兩鼠鬥穴中一古戰場歟授邑以後一棘一荆皆我祖若宗所披斬一草一萊  
皆我祖若宗所開闢孔卉鳥獸之奇山川人物之盛代有紀錄美不勝書皆我  
國民後生所當留意焉者今奉

學使命編鄉土志曷志乎歷史也地理也格致也實業也善哉善乎舉鄉土之故實  
課鄉土之童蒙則凡夫文明教化昔何其盛今何其衰奮然起急起直追之思  
想則見夫疆域隘塞而岸為谷深谷為陵默然有宜室宜家之思想則見夫  
勞動勛勩日出而作日入而息翻然有改良進步之思想則見夫居易習遷通萬  
國之民聚萬國之貨慨然有宜優勝劣敗之思想以此數種思想互相切磨  
刺擊於青年之腦經我國民其有勇乎是編之志蓋取象諸此

凡例

一是編遵頒行例目之門類之宗旨凡例目所有者悉為詳答

伍拾肆課

一是編仿教科書普通程式都為

六七十字以授初學庶不繁冗

一是書兼為教科而設斯與郡邑志乘不同故激發兒童國家思想及生存競爭之理為第一要義

一是編并歷史地理格致商業各門都為一編籠統無別自知不然計其分為壹百七十九課長短參差亟應潤色以伸縮之庶可資為教授之地然倉卒速成恨無餘暇

一查報紙有鄉土氣本一書以勸學所紳不肯購買無從取閱體例時誤在所不免

一學堂本無書籍參考既無學識亦淺但就仁化縣舊志為底本

一鄉土志按學科分之則歷史一科地理一科格致一科若據為教授自應分門編

纂唯是編則奉

管學官嚴督責備一人故祇順例目所有分課詳畲得壹百七十九課

一是編因舊志疏畧隨手查鈎調查一二亦祇據實事有徵者參入一二彙

無杜撰

一凡次奉

管學官督課尅期告成為時何能求宅善謬悞之處既多而鈔胥不  
文尤多舛漏藉此以求免責倘尤不敢自言著作妄請版權查原  
發例目內有云將清本郵寄京師編書局經局員審定刪潤俾  
歸一律訂成定本等語所望糾謬繩愆斧藻羣言曲賜教益  
一編志者為堂員一人主稿鈔寫者為書記二人分謄職業之餘乘  
隙承乏故與經費充足之學堂所編者自愧下乘不啻天淵



鄉土志卷之一

鄉土凡分為四曰府自治之地

所轄之州縣不與焉

曰直隸州自治之地

所轄之州縣不與焉

曰州曰縣

今於四者均名曰本境

本境為仁化縣即今韶州屬縣六曲英樂仁乳翁之一也是編祇志仁化一縣之事

歷史錄

第一課 本境何年何代置

本境居桂陽嶺之脊毗連郴衡俯瞰韶英在韶屬六縣中最为僻小南朝蕭齊始置仁化縣梁陳間廢而唐垂拱四年復置焉逮宋開寶五年省入樂昌而咸平三年復置焉說者謂本境置縣七百餘年綰吳楚

之交會扼嶺海之上游人杰地靈山川精英之當茲時發洩也

## 第二課 未置本境以前

神禹敷土地屬揚州百粵荒服春秋屬越戰國屬楚秦屬南海郡漢為桂陽郡曲江縣地六朝曲江屬始興郡齊析曲江置仁化縣旋省梁天監七年分曲江北境置梁化縣本境隸焉十七年又分梁化置平石縣即今本境皆屬始興郡隋復省入曲江屬南海郡唐垂拱四年復置縣迄宋開寶五年省入樂昌則皆屬韶州矣此皆未置本境以前之沿革也

## 第三課 既置本境以後

自炎宋咸平三年置仁化縣於是仁化縣之仁化縣人生於斯長於斯聚國

族於斯矣元屬龍州路明屬龍州府 國朝定鼎仍明舊制縣治在湏江  
之西知縣駐焉同城典史一祀總一教職二舊設巡司二扶溪恩溪而恩溪司廢  
城口則設外委分防自綠營裁汰今則巡防勇隊團勇局勇募布星羅尚不  
足彈壓寇盜也

## 政績錄

### 第四課 興利

牽利於地待人後興闢土治水養民善教其利尤普舊志守令能興利者  
首推蘇邁眉山長公之長子也本境僻處嶺表民俗鄙塞公於紹興四  
年知縣事文章政事卓有父風文化之開實自公始

### 第五課 興利

南宋之季役兵供餉國民咸失教養時邑學草創歲久復圯化鄭軫淳佑五年調仁化丞以興學育才為務謀遷邑學適武弁攝邑難其議軫獨主厥成建立廊廡堂齋并為祠於左右以祀張文獻周濂溪於是觀感興起黌校弦誦之聲婉美上邑矣

### 第六課 興利

前明以來守令能興學教民者後先相望舊志所紀如于祥則創濂溪書院徵諸生肄業其中督課成才甚多又修建文廟及申明旌善亭也高應選則修啓聖祠增學田并畝建文峰塔也鄭紹曾則改文峰塔下

僧院為仁陽書院又重修邑志建耆棚也近之余雲龍創立兩等小學  
官校也有功學界民之謳頌思慕不衰良非偶然

### 第七課 興利

昔科舉取士教育之權在教職本境自前明設教諭訓導為正副儒學其  
中能盡義務者大不乏人翁瑛完繕學舍日為諸生講解由教諭陞國子  
監助教尋擢翰林院檢討林函博學多才詩文下筆立就又善真草書  
四校文衡以敦行孝弟教士皆祀邑名宦祠

### 第八課

尹之過任邑訓導兼綰庠符時萬歷年間學中藏書殘缺手葺之一介